

## Zarma - Faaba Tira Hanney - Salvation Scriptures

- Ephésiens 2:2** Hayey din ra no aran goro waato, saaya kan aran goono ga ndunnya wo fondey d'a miiley gana. Aran goono ga may mo beene batama dabarikwa se. Nga ga ti biya din \_(Iblisi no)\_ kan goono ga goy hala sohõ borey kan yan wangu ka Irikoy gana ra.
- Matthieu 6:10** Ni koytara ma kaa. Mate kan cine i ga ni miila te beena ra, I m'a te neewo mo ndunnya ra.
- Luc 22:42** ka ne: "Ya Baaba, da ni yadda, ma taabo wo sambu ay se. Day, manti ay miila ma te bo, amma ni wano."
- Jean 16:7-9** Kulu nda yaadin ay ga cimi ci aran se: a ga bisa aran se ay ma koy, zama nd'ay mana koy, Gaakwa si kaa aran do. Amma d'ay koy, ay g'a donton aran do. 8 Nga mo, waati kan a ga kaa, a ga ndunnya zeeri zunubi da adilitaray da ciiti se. 9 Zunubi se no zama i si g'ay cimandi.
- 2 Timothée 2:10** Woodin sabbay se no ay goono ga suuru nda hay kulu borey kan Irikoy suuban sabbay se, zama ngey mo ma du faaba kan go Almasihu Yesu ra da hal abada darza.
- Romains 15:20,21** Daahir, ay ga anniya haw mo ay ma Baaru Hanna waazu nangu kan i mana jin ka Almasihu waazo te, zama ay ma si cina boro fo daba bon, 21 mate kan i n'a hantum ka ne: "Borey kan yan a baaro mana kaa i do, ngey wo ga di. Ngey kan yan mana maa mo ga faham."
- Actes 2:36,37** Wa nan Israyla dumo kulu ma bay kan daahir Yesu wo kan aran kanji din, nga no Irikoy ciya Koy da Almasihu." 37 Waato kan i maa sanno din, a n'i biney gooru. I ne Bitros da diya cindey se: "Nya-izey, ifo no iri ga te?"
- Hébreux 4:2** Zama hanciika i na Baaru Hanna waazu iri se, sanda mate kan i te borey din mo se, amma sanno kan i maa mana te nafa hari i se, zama a mana cimbeeri gar borey kan maa r'a do.
- Jérémie 24:7** Ay m'i no bine kan g'ay bay, kan ay ya Rabbi no. I ga ciya ay se jama, ay mo ga ciya i se Irikoy, zama i ga bare ka ye ay do da bine follon.
- Actes 16:14** I ra wayboro fo go no kan maa Lidiya. Zaara bi neerako no, Tiyatira kwaara boro no, kan ga sududu Irikoy se. A maa iri sanno, Rabbi mo n'a bina feeri hal a yadda nda han kan Bulos goono ga ci.
- Matthieu 13:14,15** Daahir, i bon no i na annabi Isaya sanno toonandi kan ne: «Maayan ra aran ga maa, amma aran si faham baa kayna. Gunayan ra mo aran ga di, amma aran si fayanka baa kayna. 15 Zama dumo wo bina te tijina, i na ngey hangey sandandi, i na ngey moy daabu mo. Da manti yaadin no i ga di da ngey moy, i ga maa da ngey hangey, i ga faham mo da ngey biney, ka ye ka bare ay do hal ay m'i no baani.»
- Esaie 6:9,10** Nga mo ne: "Ma koy ka ci dumo wo se ka ne: Maayan ra, aran ga maa, amma aran si faham. Gunayan ra mo, aran ga di, amma aran si fayanka. 10 Ni ma nan dumo wo biney ma te tijina, M'i hangey sandandi, M'i

**moy daabu zama i ma si di da ngey moy, I ma si maa da ngey hangey, I ma si faham da ngey biney, I ma si ye ka bare ay do hal i ma du baani mo."**

**Marc 4:11,12 A ne i se: "I n'aran no aran ma Irikoy koytara gundey bay. Amma ngey kan go taray, i ga hay kulu ci i se nda misayan. 12 Zama <gunayan ra i ma di, amma i ma si fayanka. Maayan ra mo i ma maa, amma i ma si faham. Da manti yaadin no i ga bare \_ay do|\_ hal i ma du yaafayan.> "**

**Jean 12:39,40 Woodin sabbay se no i si hin ka cimandi, zama Isaya ye ka ci koyne ka ne: 40 "A n'i moy danandi k'i biney sandandi, zama i moy ma si di, i biney ma si faham hal i ma bare ay do, hal ay m'i no baani."**

**Romains 11:7,8 Ifo binde no? Haya kan Israyla goono ga ceeci, a mana du a, amma suubanantey no du a. Cindey mo Irikoy n'i biney sandandi. 8 Mate kan i n'a hantum, ka ne: "Irikoy n'i no laakal tiɲo. A n'i no moyan kan i si di nd'ey, A n'i no hangayan mo kan i si maa d'ey, hala ka kaa hunkuna."**

**2 Thessaloniens 2:10,11 da fafagay goy laalo kulu dumi borey kan yan goono ga halaci se. I goono ga halaci zama i wangu ka ba cimo hal i ma du faaba. 11 Woodin sabbay se mo no Irikoy ga halliyan gaabikooni samba i se hal i ma tangaro cimandi.**

**Matthieu 13:18-23 Day, aran ma hangan ka maa dum'izey saykwa din misa. 19 Waato kan boro fo maa koytara sanno, amma a mana faham d'a, Boro Laalo no ga dumaro kom k'a kaa a bina ra. Fonda jarga dum'izey nooya. 20 Dum'izo kan i say tondi batama bon mo, nga ga ti bora kan d'a maa Irikoy sanno, a m'a ta da farhã. 21 Amma a sinda kaaji nga ra, a si gay mo. Zama waati kan taabi nda gurzugay tun sanno sabbay se, sahãadin-sahãadin no a ga mulay. 22 Wo kan i say karjey ra mo, nga ga ti bora kan ga maa sanno, amma zamana wo karhã, da arzaka halliyan, ngey no ga sanno koote, hal a ma jan ka te albarka. 23 Amma wo kan i say laabu hanno ra din, nga ga ti bora kan ga maa sanno, ka faham d'a, kan haciika no a ga te albarka. Afo ma zangu hay, afo waydu, afo mo waranza."**

**2 Corinthiens 3:15,16 Amma hala hõ, waati kan i ga Musa tira caw, bangum go g'i biney daabu. 16 Amma waati kan boro ga bare ka ye Rabbi do, kulu bangumo ga fun.**

**Esaie 30:28 A fulanzama ga hima gooru hari zuru kan ga to ka bambari kala jinde gaa. A ga ndunnya dumey hagay da hagayyan hari, halaciyan wane. A ga alzam kan ga darandi dan dumey garbey gaa.**

**Osée 11:3-7 Kulu nda yaadin, ay no ka lfraymu dondonandi diraw, Ay n'i sambu k'i ganday, Amma i mana bay kan ay no k'i no baani. 4 Ay n'i candi da Adam-izetaray korfoyan, Da baakasinay hawyan hari yan mo. Ay ciya i se danga boro kan ga takunkum kaa i meyey gaa, Ay gungum ka nwaari jisi i jine mo. 5 I si ye ka koy Misira laabo ra koyne, Amma Assiriya ga ciya i se bonkooni, Zama i wangu ka ye ka kaa ay do. 6 Takuba ga faara i kwaarey ra, A g'i kwaarey birni meyey bundey nwa ka ban mo, Ngey bon saawarey sabbay se. 7 Ay borey na ngey biney dan ngey ma banda bare ay gaa. Baa i n'i ce i ma ye Koy Beero kan go beene do, I boro fo si no kan g'a beerandi.**

**Actes 26:18 Ni m'i moy fiti, i ma bare ka fun kubay ra ka ye annura do, i ma fun Saytan dabaro do ka ye Irikoy do, zama i ma du ngey zunubey yaafayan, da tubu mo borey kan yan ciya hanantey ay ra cimbeeri do banda.›**

**2 Timothée 2:24-26 A ga hima mo Rabbi bannya ma si yanje, amma a ma ciya baanikom boro kulu se. A ma ciya dondonandiko hanno kan gonda suuru. 25 A ma ciya mo goojiko borey kan ga gaaba nd'a se lalabu ra, zama hambara Irikoy ga nan i ma tuubi hal i ma du ka cimo bay gumo. 26 I ma ye ngey laakaley gaa mo ka fun Iblisi hirrimo ra, nga kan n'i di k'i tilasandi i ma nga miila te.**

**Apocalypse 3:17-19 Ni go ga ne: ay ya arzakante no, ay te arzaka, ay sinda hay kulu muraadu! Ni si bay mo kan ni ya alfukaaru no, bakaraw hari, talka, danaw, gaa-koonu! 18 Ay ga saaware ni gaa, ma wura day ay do kan i hanse danji ra, zama ni ma ciya arzakante. Ma bankaaray kwaaray yan day mo, hal ni ma ni bon bankaaray, zama ni haawi ma si bangay. Ma mo safari day mo ka tuusu ni moy gaa zama ni ma du ka di. 19 Borey kulu kan ay ga ba, ay ga deeni i gaa k'i gooji. Yaadin gaa, ma anniya dan ka tuubi.**

**2 Corinthiens 7:10 Bine sara kan dumi Irikoy ga ba no ga tuubi goy te hal a ma koy to faaba do. Tuubi mo no kan boro si tunandi. Amma ndunnya bine saray ga kande buuyan.**

**1 Rois 18:37 Ya Rabbi, ma maa ay se! Ma maa ay se, zama jama wo ma bay kan nin, Rabbi, nin no ga ti Irikoy, ni m'i biney bare mo."**

**2 Corinthiens 4:4 Zamana wo irikoyo na danawtaray dan borey kan yan si ga cimandi laakaley ra, hala Baaru Hanna annura ma si kaari i se. Baaru Hanna din darza ga ti Almasihu. Nga no ga ti Irikoy alhaalo.**

**Luc 8:11-15 Misa wo neeya: Dum'izey ya Irikoy Sanno no. 12 Fonda jarga waney ga ti borey kan yan ga maa, waato din gaa Iblisi ga kaa ka sanno kaa i biney ra, hal i ma si cimandi ka du faaba. 13 Tondi bon waney ga ti borey kan yan ga maa, ka sanno ta nda farhã. Amma i sinda kaaji. Jirbi kayna fooyan no i ga gana, amma siyan alwaato ra i ga ye banda. 14 Karji game ra waney ga ti borey kan yan ga maa, amma fundo wo muraadey d'a arzaka, da fundi woone kaani harey ra, i g'i koote, hal i si ize hay kan ga nin. 15 Amma laabu hanna ra waney, ngey wo ga ti borey kan yan maa sanno bine cimikoy ra kan ihanno mo no, kan yan goono g'a yaari, kan yan goono ga te albarka mo suuru ra.**

**Actes 15:11 Amma iri cimandi kan Rabbi Yesu gomno do no iri du faaba, sanda mate kan cine ngey mo du a."**

**Romains 8:13 Da Adam-ize daa laalo bon no aran goono ga funa, tilas kal aran ma bu. Amma da Biya \_Hanno\_|\_ dabaro do no aran goono ga gaaham te-goyey wi, kulu aran ga funa.**